

AITA SAN JOSÉ-REN GOZUAK.

*Indazu, Jose, kontuz
Grazi ugaria,
Alabatzeko kontuz
Zu eta Maria.*

Espiritu Santuak
Eginik itzala
Mariagan Jainkoa
Gizon egin zala
Jakiñik aingeruak
Ziyuan bezala
Zure atsegiña zan
Esan eziñ-ala.

Indazu.....

Jesus jayo berria
Zegidan Belenen
Adoratzera ziran
Artzayak juan lenen;
Ikustian zertara
Etorri ziraden
Pozaz esan ziñien
«Ona Jesus emen.»

Indazu.....

Jakitean ipiñi
Ziyoten izena
Aingeruak esanik
Zala Jesus-ena
Au zala salbatuko
Danok giñuzena
Beste danen artian
Ziñan zu poz-ena.

Indazu.....

Sazerdotiak berak
Zuenian esan
Aurcho orrek zer izen
Bear zuen izan

Zure biyotza pozez
Saltoka asi zan
¿Nor zori obekorik
Lurrezko bizitzan?

Indazu.....

Arkitzen ziñalarik
Iñongo errian;
Ejipton: ikustian
Begiyen aurrian
Gezurrezko jainkoak
Boteak lurrian
Pensamentuaz zaude
Zeru ederrian.

Indazu.....

Aingeru bat zerutik
Jechirik zugana
Esaten dizu Jaunak
Deseo duena
Judeara juatea
Zala obeena,
Berri chit gozoa da
Aingeru orrena.

Indazu.....

Jerusalengo tenplu
Aundi ederrian
Ara Jesus jakintsu
Guzien erdian,
Erakusten diyela
Izkuntza garbian,
Bere dotriña, modu
Chit arri garrian.

Indazu.....

1882-ko Marchoan.

PEDRO MIGUEL URRUZUNO-KOAK.